

清

史

稿

清史稿

列傳

循吏三

張吉安

李敏昌
史記亞

魏景瀚

蓋方泌

史記亞

李廣芸

伊秉綬

史記亞

狄尙絅

張敦仁
鄧敦光

李文耕

史記亞

劉體重

子豐

張琦

石家昭

劉衡

徐衡

姚東之

吳均

王肇謙

曹廷

桂超萬

張作樞
曹茂林

張吉安字迪民江蘇吳縣人乾隆四十二年舉人六十年大挑知縣發浙江時
清治各縣虧空責彌補富陽令憚敬獨不奉上官意旨檄吉安往摘印署事至
則士民羣集乞留敬吉安見之默然徒手返白臺司曰憚敬賢吏乞保全之且
州縣賦入有常經前官不謹致虧責彌補於後來者恐開掊克之漸方今楚豫

奸民蠭起皆以有司貪殘爲口實宜用讞書人加意拊循乃無形之彌補耳聞者迂其言委攝縣丞及杭州府通判吉安自以不諧於時乞改教職上官留之嘉慶二年署淳安尋調象山海盜由閩擾浙沿海窮民業魚鹽者多以米及淡水火藥濟盜且爲嚮導吉安革船埠商漁之稅嚴禁水米山洋盜漸窮蹙值颶風覆盜艇泗至岸悉爲舟師所獲提督李長庚歎曰牧令盜如張象山盜不足平也又建議縣境南田爲海中大島宜如明湯和策封禁以斷盜翼韭山當海盜之衝石浦昌國兵力皆薄請增兵以資鎮懾事雖見格後卒如所議四年署新城漕倉設省城民輸折色縣官浮收連丁需索習以爲常吉安平其折價不及舊時十之六七民感之五年署永康蛟水猝發田廬蕩析爲棚廠以棲災民阻水者其舟餽之溺者具棺厝之不待申詳報可所以振卹者甚至上官或斥其有違成例巡撫阮元素重之悉如所請六年調署麗水端誠禱雨旱不爲災江值水災奸民糾衆掠富室伐墓樹鄰邑咸煽動吉安曰非法無以止奸民非

米無以安良民良民安則奸民氣散請運兵米所餘以振之民心漸定乃擒首惡治如律補餘杭九年春雨傷禾糶倉穀以平米價又運川米千石濟之十年復被水分鄉設廠煮粥以振規畫詳密竟事無擁濟之擾邑多名區次第修復之懲訟師勤聽斷修志葺學文教不振在餘杭七年引疾歸遂不出歿後永康士民請祀名宦建立專祠當時吏治積弊有南漕北賑之說南利在漕相率諱災督撫藉詞酌劑置災民於不問苟有切求民瘼者轉不得安於位吉安官浙前後幾二十年所莅多災區皆能舉職在新城減漕之三四時論尤以爲難北賑之弊亦然同時江蘇知縣李毓昌以不扶同侵賑致禍仁宗優卹之重懲諸貪吏蓋欲以力挽頽風云毓昌字皋言山東即墨人嘉慶十三年進士以知縣發江蘇十四年總督鐵保使勘山陽縣賑事親行鄉曲鈎稽戶口廉得山陽知縣王仲漢冒賑狀具清冊將上揭仲漢患之賂以重金不爲動則謀竊其冊使僕包祥與毓昌僕李祥顧祥馬連升謀不可得遂設計死之毓昌飲於仲漢所夜歸而渴李祥以藥置湯中進毓昌寢苦腹痛而起包祥從後持其頭叱曰若

何爲李祥曰僕等不能事君矣馬連升解己所繫帶綬之仲漢以毓昌自縊聞淮安知府王毅遣驗視之報曰尸口有血毅怒杖驗者遂以自縊狀上其族叔李太清與沈某至山陽迎喪檢視其籍有殘稿半紙曰山陽知縣冒賑以利啗毓昌毓昌不敢受恐負天子蓋上總督書稿諸僕所未及毀去者喪歸毓昌妻有噩夢啟棺視面如生以銀鍼刺之鍼黑李太清走京師訴都察院命逮王毅王仲漢及諸僕至刑部會訊山東按察使朱錫爵驗毓昌尸惟胸前骨如故餘盡黑蓋受毒未至死乃以縊死也仁宗震怒斬包祥寘願祥馬連升極刑剖李祥心祭毓昌墓毅伸漢各論如律總督以下貶謫有差贈毓昌知府銜封其墓御製愍忠詩命勒於墓上毓昌無子詔爲立後嗣子希佐賜舉人太清亦賜武舉

龔景瀚字海峯福建閩縣人先世累葉爲名宦曾祖其裕康熙初以諸生從軍援江西瑞州府通判滇閩變起率鄉勇爲大軍嚮導擢吉安知府時府城爲逆將所據大軍駐螺子山其裕供餉無乏城復撫瘡痍多惠政後官河南懷慶知

府濬順利渠引濟水入城便民終於兩淮鹽運使歿祀瑞州吉安懷慶名宦祠
祖疇初仕浙江餘杭知縣民殺僕疑獄爲時所稱擢直隸趙州直隸州知
州濬河興水利再擢江蘇松江知府渡海賑崇明災黎全活甚衆官至江西廣
饒九南道單騎定萬年縣匪亂歿祀饒州名宦祠父一發乾隆十五年舉人官
河南知縣歷宜陽密縣林縣虞城四縣治獄明敏能以德化在虞城值水災勤
於賑卹朝使疏治積水醞爲惠民永便諸渠一發與災民共勞苦治稱最以病
去復起補直隸高陽擢雲南鎮南知州歿祀虞城名宦祠景潮承家學幼即知
名大學士朱珪督閩學激賞之乾隆三十六年成進士歸班銓選四十九年授
甘肅靖遠知縣未到官總督福康安知其能檄署中衛縣判牘如流見者不知
爲初仕也七星渠久淤常苦旱景潮築石壩遏水入渠始通流又濬常樂鐵嶺
諸渠重修紅柳溝環洞及減水各涵溉田共三十萬畝民享其利五十二年調
平涼地磽瘠缺米粟景潮請隣邑無遷糴又當西域孔道車馬取給商賈鹽引
勅派於民官吏強買煤炭皆爲民病一切罷之由是商賈輶輶食貨流通修柳

湖書院與諸生講學文風漸振五十五年署固原州漢回雜處時構齋景瀚密
偵諸堡誅積匪境內以安五十九年遷陝西邠州知州嘉慶元年總督宜縣巡
邊調景瀚入軍幕遂從勦教匪以功擢慶陽知府宜縣總轄三省從入蜀幕府
文書皆屬景瀚尋調蘭州仍在軍充翼長景瀚從軍久見勞師糜餉流賊仍熾
因上議備陳調兵增兵募勇三害勦賊四難謂先安民然後能殺賊民志固則
賊勢衰使之無所裹脅多一民即少一賊民居焚則賊食絕使之無所掠掠民
有一日之糧即賊少一日之食用堅壁清野之法令百姓自相保聚賊未至則
力農貿易各安其生賊既至則閉柵登陴相與爲守民有恃無恐自不至於逃
亡其要先慎簡良吏次相度形勢次選擇頭人次清查保甲次訓練壯丁次積
貯糧穀次籌畫經費如是行之有十利反復數千言切中事理嗣是被兵各省
舉仿其法民獲自保賊無所逞成效大著論者謂三省教匪之平以此爲要領
五年始到蘭州任七年送部引見卒於京師其後續編皇清文顯仁宗特出其
堅壁清野議付館臣載入祀蘭州名宦祠自其裕至景瀚四世皆祀名宦海內

稱之景瀚子豐穀官湖北天門知縣亦有治績不無家聲焉

蓋方泌字季源山東蒲臺人嘉慶初以拔貢就職州判發陝西署漢陰廳通判石泉知縣三年署商州州同治州東百里曰龍驹寨寨之東爲河南南出武關爲湖北路四通多林莽山徑易憑匿時川楚教匪屢由武關入陝西方泌始至民吏掃地赤立賊酋張漢潮擁衆至乃置藥麵中誘賊刦食多死遂西走大軍乘之漢潮由是不振方泌集衆謀曰賊雖去必復來若等逃亦死守不得耕種亦死我文官無兵若能爲吾兵當全活爾衆曰惟命乃築堡聚糧戶三丁抽一得三千人無丁者以財佐糧糗兵械親教之戰辰集午散無廢農事四年賊屯山陽鎮安將東走河南迎擊敗之又擊賊於鐵峪鋪賊據山上而伏其半於溝乃分兵期伏奪據東山上數乘懈擊之賊宵遁後賊由雒南東逸方泌馳至分水嶺間道走鐵洞溝出賊前伏待之賊錯愕迎戰遂敗斬首數百鄉兵名由是大振自武關至竹林關鄉兵皆請隸龍驹寨五年知州困於賊方泌馳百九十里至北澗賊驚曰龍驹寨兵至矣時賊屯州西及雒南山陽各萬餘人欲東出

方泌勦鄉兵二萬列三大營以待會官軍至夾攻賊大敗幾盡殲是役枕戈而寢者五十日游擊某誣以事解職大吏直之得留任賊遂相戒無過商州八年授盩厔知縣猶時時入山搜賊又獲寄陝倡亂者四十餘人境內甫定捐俸賑饑旌死節婦河灘馬廠鹽法皆區畫久遠擢寄陝廳同知仁宗召見問商州事甚悉擢四川順慶知府渠縣民變大吏屬以兵方泌曰此賽會人衆至各相驚疑訛言橫興非叛也捕十二人而變息調成都母憂歸服闋授福建延平尋調臺灣兩署臺灣道屢諫大獄皆衆衆洶洶稍激則變方泌一以理諭蔽罪如法道光十八年卒史紹登字倬雲江蘇溧陽人大學士貽直之孫以詹錄敍布政司經歷發雲南乾隆六十年署文水知縣時滇鹽歸官辦民苦抑配紹登弛其禁釋逋課者數百人閱三載配鹽之五十七州縣悉改商辦以文山爲法貴州苗亂距文山尚數郡紹登策其必至集胥役健者親教技擊以備之嘉慶元年苗竄鄰境之邱北潛與文山獵狹通紹登謂不救邱北文山獵狹必不靖親率三百人往人授刀一鐵鏟三十既至當者輒仆邱北廓清而總督勒保勦苗失

利被創於貴州黃草坪巡撫江蘭檄紹登往援至則賊圍數重內外不相聞七戰皆捷乃達黃草坪會貴州援兵亦至比紹登上謁總督曰若文官亦遠來問我耶紹登陳解圍狀不信紹登請視戰所賊尸鏟傷者文山民壯所擊若刃傷請伏冒功罪總督初欲劾之勘實乃已巡撫聞紹登忤總督大懼令所用軍費不得入報銷以是虧帑二萬尋兼署蒙自縣事兩城相距三百里交趾賊侵福結粵匪犯文山紹登馳一晝夜入城率民壯出剿禽其渠峒卡悉復擢雲州知州仍留文山任四年初彭齡來爲巡撫性好察開化總兵因蒙自變時怯懦爲民所輕銜紹登譖之遂以虧空劾士民刊章臚紹登政績設厤餉金至三萬彭齡聞之悔以完虧奏留任餘金無可返建開陽書院焉七年署維西廳通判廳民恒乍刦爲亂巢險不可攻紹登廉得巢後巖壁陡絕阻大溪乃以篋爲餉募善泅者繫繩巖樹對岸急引如笮橋攀援以登壯士三百人從之賊大驚亂擒

鹹淨盡九年卒

李廣芸字鷗齋江蘇嘉定人少受學於同縣錢大昕通六書蒼雅三禮乾隆五

十五年進士授浙江孝豐知縣調德清再調平湖下車謁陸隴其祠以隴其曾
宰嘉定而已以嘉定人宰平湖奉隴其爲法盡心撫字訓士除姦邑中稱神明
嘉慶三年九卿中有密薦之者詔詢巡撫阮元元奏廣芸守潔才優久協輿論
爲浙中第一良吏引見以同知升用五年金華處州兩郡水災金華苦無錢處
州苦無米廣芸奉檄於恩賑外領銀二萬便宜爲之以銀之半易錢運金華加
賑人百錢而錢價平又以銀之半運米至處州減價糶穀轉運而米亦賤升
處州府同知調嘉興海防同知署台州府尋擢嘉興知府正己率屬無敢以苞
苴進者治酒持官兵軍三者之平上官每用其言十年水災減糶有實惠賑民
以粥全活者衆以繼母憂去官服闋補福建汀州調漳州俗悍多械鬪號難治
廣芸召鄉約里正問之曰何不告官而私鬪爲皆曰告官或一二年獄不竟竟
亦是非不可知先爲身累廣芸曰今吾在獄至立剖有不當更言之無所徇護
爲我告鄉民後更有鬪者必禽其渠焚其居毋恃晦脫衆皆唯唯退已而有鬪
者廣芸立調兵捕治悉如所言民大懼廣芸日坐堂皇重門洞開怨者直入命

役與俱召所當治者限時日不至則杖役至則立平之釋去即案前書獄詞無一錢費民皆憚呼曰李公活我漳屬九龍嶺多盜下所屬嚴捕擒其魁十數商旅坦行故事獲盜當甄敘悉以歸屬吏尋擢汀漳龍道二十年擢福建按察使署布政使逾年實授廣芸守漳州時龍溪縣有械鬪令懦不治署和平令朱履中內狡而外樸廣芸誤信之請以移龍溪久之事不辦始稔其詐泊署布政使改履中教職履中虧鹽課恐獲罪具揭於總督汪志伊巡撫王紹蘭謂虧帑由道府婪索督撫密以聞解廣芸職質訊廣芸之去漳監造戰船工未竣留僕督率之僕假履中洋銀三百圓詭以墊用告廣芸如數給之僕匿不以償福州知府涂以軒轅之阿總督意增其數爲一千六百逼令自承辭色俱厲廣芸終不肯誣服虛爲獄吏所辱遂自經事聞命侍郎熙昌副都御史王引之往按其獄得白上以廣芸操守清廉衆所共知其死由汪志伊固執苛求而成於涂以軒勒供凌逼褫志伊職永不敘用以軒履中俱謫戍黑龍江紹蘭亦以附和革職廢芸家不名一錢歿無以殮鹽法道孫爾準與之善爲經紀其喪初志伊亦重

廢芸曾薦舉之及擢布政乘新輿上謁志伊諷以戒奢廢芸曰不肖爲大員不欲效布被脫粟之欺罔志伊素矯廉銜其語又以遇事抗執嫌益深及獄起履中忽自承妄奸諉原揭爲其僕竊印志伊怒必窮詰之論者謂漳廠修船例由龍溪縣摺欵藩司發欵至道乃償之非贓私也廢芸稍急負清名慮涉嫌不承而志伊峻待紳士不理於衆與廢芸善者或以飛語中之方治獄使者至閩士民上書爲廢芸訟冤感泣祭奠踵接於門爲建遺愛祠熙昌等據情奏請賜額表揚仁宗以大員緣事逮問當靜俟國法若此心歛然橫遭冤枉亦應據實控告朝廷必爲昭雪乃效匹夫溝瀆之諒殊爲褊急不應特予旌揚士民追思惠政捐資立祠斯則斯民直道之公聽之

伊秉綬字墨卿福建寧化人乾隆五十四年進士授刑部主事遷員外郎嘉慶三年出爲廣東惠州知府問民疾苦裁汰陋規行法不避豪右故練刑名大吏屢以重獄委之多所矜恤陸豐巨猾肆劫勒贖秉綬設方略縛其渠七人戮之六年歸善陳亞本將爲亂提督孫全謀不發兵秉綬乃遣役七十餘人夜掘其

集禽亞本餘黨竄入羊矢坑未幾博羅陳爛屢起事請兵提督復沮之秉綏爭
曰發兵愈遲民之傷殘愈甚提督不得已予三百人秉綏復曰僨虛實則三四
人足矣如用兵以寡敵衆徒僨事耳提督不聽令游擊鄭文照率三百人往子
身跳歸亂遂成秉綏適以他事罷議去官士民願留軍營時提督旣擁兵不前
其標兵卓亞五朱得貴均通賊縱掠爲僞渠帥秉綏憤懣請兵益力逢總督吉
慶之怒復以失察教匪論戍會新總督倭什布至惠州士民數千人訴秉綏冤
上聞特免其罪捐復原官發南河授揚州知府時秉綏方奉檄勘高郵寶慶水
災刺一小舟棲戶枉渚必親閱手記及莅任劬躬率屬賑貸之事鑰銖必覈吏
無所容其奸倡富商巨室捐設粥廠費以萬計誅北湖劙盜鐵庫子輩杖詭道
訐愚之轟道和它奸猾擾民者悉嚴治之民雖饑困安堵無惶惑歷署河庫道
鹽運使皆稱職尋以父憂去家居八年嘉慶二十年入都道經揚州卒秉綏承
其父朝棟學以未儒爲宗在惠州建豐湖書院以小學近思錄課諸生在揚州
宏獎文學歿後士民懷思不衰以之配食宋歐陽修蘇軾及清王士禎稱四賢

狄尙絅字文伯江蘇溧陽人寄籍順天乾隆四十六年進士五十七年授安徽黟縣知縣父憂去嘉慶四年起復發廣東署化州知州瀕海橫悍尙絅解除煩苛治以簡易補花縣以鄉兵助勦博羅亂匪有功旋攝香山十年銓授江西南康知府有武舉調族姪婦羞忿自盡以無告發事寢有年矣尙絅甫下車武舉以他事涉訟反覆詰問忽露前情窮究得實置諸法羣驚爲神不期年理滯獄百餘盡得情實饒州有兩姓爭田世相仇殺尙絅爲判斷調和爭端永息南安會匪李詳誥傳徒衆衆事發大吏檄尙絅案之戴奉飛質罪首詳誥爲從當減死承審同官以詳誥巨富欲引嫌尙絅曰無媿於中何嫌可避大吏亦慮與原奏不符尙絅曰不護前非乃見至公聖明在上何慮焉卒從其議株連者亦多省釋嘗言獄不難於無枉縱惟于證之牽累吏胥之需求受害者不可窮詰生平思此時用疚心又曰人知命盜巨案之當慎不知婚姻財產細務尤不可忽蓋必原情度勢使可相安於異日不釀成別故斯爲善耳南康治濱湖風濤險

惡宋郡守孫喬年築石隄百餘丈內浚二澳可泊千艘朱子知南康增築之名
紫陽隄迤東水齧侵及城址明知府田琯增築石隄百餘丈以衛之久俱圯尙
納增修兩隄一準舊制堅固經久蓼花池周五十里受廬山九十九澗之水北
入湖水門淺隘尙納疏濬之積潦消洩歲增收穀萬石在任先後二十四年所
設施多規久遠歷署饒州吉安廣信三府攝糧道敝衣疏食不問生產引疾去
官不能歸卒於南康張敦仁字古愚山西陽城人乾隆四十年進士授江西高
安知縣調廬陵精於吏事有循聲遷銅鼓營同知署九江撫州南安饒州諸府
事嘉慶初改官江蘇厯松江蘇州江寧知府六年調授江西吉安沿贛江多盜
遷健吏專司巡緝責盜族禽首惡毋匿逋逃萑苻以靖民德之再署南昌尋實
授所屬武甯民婦與一人私殺其夫前守以夫死途中非由婦姦報敦仁覆鞠
詞無異而其幼子但哭不言疑之請留前守同讞遂得謀殺移尸狀獄乃定龍
泉天地會匪滋事巡撫檄敦仁往按未至鎮道已發兵禽二百餘人民惶懼敦
仁廉知匪黨與溫氏子有隙非叛逆法當末減坐爲首二人又會匪素肆掠富

室爲保家計多佯附實未身與事發株連囹圄爲滿訊察其冤盡得釋道光二年擢雲南鹽法道尋以病乞致仕敦仁博學精考訂公暇即事著述所刻書多稱善本寄寓江寧卒年八十有二著書遭亂多佚鄭敦允字芝泉湖南長沙人嘉慶十九年進士選庶吉士散館授刑部主事遷員外郎道光八年出爲湖北襄陽知府襄陽俗樸訟事多出教唆敦允長於聽斷積牒爲空訪所屬衙蠹莠民最爲民患者十餘人論如律地號盜藪請帑籌充緝捕費多設方略獲盜百餘巨盜梅权者勇悍多徒黨捕者人少莫能近衆至則逸偵知所在夜往擒之其徒追者數百人令曰欲奪犯者殺而以屍與之衆不敢逼訴者脣集曰久不敢言言輒火其居敦允曰苦吾民矣遂實之法襄陽地瘠民貧客商以重利稱貸田產折入客籍者多敦允許貸戶自陳子浮於母則除之積困頓蘇漢水齧樊城壞民居議焚石隄四百餘丈二年而成明年漢水大漲樊城賴以全襄陽岸高水下遇旱艱於引溉頒筒車式使民仿製民便之調署武昌會大水樊城石工掣損敦允固請回任修守襄人走迎三百里日夜牽挽而至議增築子

塗護隴根災民就食者數萬爲草舍居老疾稚弱令壯者赴工自食教尤听夕
巡視工未竟致疾未幾卒祀名宦

李文耕字心田雲南昆陽人家貧事親孝服膺宋儒之學嘉慶七年進士以知
縣發山東假歸養母母喪服闋補鄒平到官四閱月不得行其志引疾去以官
累不得歸十九年教匪起壽張令以文耕嫻武事招助城守訓練防禦皆有法
賊不敢窺境大吏聞其幹略起復補原官在鄒平五年治尚教化民婦陳訴其
子忤逆文耕引咎自責其子叩頭流血母感動請釋卒改行聽訟無株累久之
訟者日稀善捕盜養捕役使足自贍無豢賊數親巡窮詰窩頓嘗曰治盜必眞
心衛民身雖不能及者精神及之聲名及之終任盜風屏息課諸生親爲指授
勉以爲己之學民呼李教官又呼爲李青天調冠縣遷膠州濬雲墨二河道光
二年擢濟寧直隸州未之任巡撫琦善特薦之宣宗夙知其名即擢泰安知府
調沂州立屬吏程課謂官不勤則事廢民受其害教化本於身能對百姓然後
可以教百姓屬吏皆化之沂郡產檞樹勸民興蠶建義倉備荒捕盜如爲令時

尋擢兗沂曹道司河事修防必躬親屬廳請濬淤沙需銀五萬往視之曰無庸
春漲卽刷去矣果如其言五年遷浙江鹽運使未幾調山東時鹹業疲累充商
賤價私賣課漸裕七年擢湖北按察使復調山東嚴治胥役詐贓犯輒置重典
斷獄寬平責屬吏清滯獄數月積牘一空謂山東民氣粗而性直易犯法亦易
爲善故教化不可不先居三歲調貴州州縣瘠苦希更調不事事適權布政使
請以殿最爲調劑俾久任專責成鑿桐梓葫蘆口以息水患黔產紬無綿布設
局教之紡織貧民艱生計重利而薄倫常撰文勸導曰家喻戶曉篇十三年休
致歸文耕平生以崇正學挽澆風爲己任在山東久民感之尤深歿祀名宦

劉體重山西趙城人乾隆五十四年舉人嘉慶初以知縣發湖南歷署石門新
化衡陽零武衡山湘陰晉秩同知改江西道光中補袁州同知擢廣信知府調
吉安又調撫州所至有聲在撫州治績最著巡厰屬縣問民疾苦集父老子弟
勉以孝弟力田屬吏不職參劾無徇胥吏攬訟痛懲之厚書院廩餼課士以經

動繩以禮法遇大水盡心賑卹災不爲害建義倉積穀五萬石十四年擢河南彰衛懷道筦河事修防有法終任黃流安瀾沁水隄由民築多單薄擇其要區加築子埝籌歲修費垂永久漳河無隄防動疏濬水患並息創建河朔書院彷朱子白鹿洞規條以課三郡之士十九年擢江西按察使遷湖北布政使二十二年乞病歸卒於家體重廉平不苟尤長治獄所居吏畏民懷訟獄日簡河北士民尤感之歿祀名宦祠子煦由拔貢授直隸知縣歷權繁劇咸豐初遷開州知州河決賑災全活數萬治團練有功署大名知府十一年春直隸山東匪迭起守城四十日乘間出奇擊賊城獲安既而東匪西竄勢甚張畿輔震動煦督師破清豐賊壘乘勝進攻濮州老巢遇大雨賊決河自衛煦激勵兵士堅持不懈賊窮蹙乞降遂復濮州開濮之間積水多沮洳土人謂之水套匪輒憑匿至冬復豎旗起事煦率鄉團八千人追賊於冰天泥淖之中三戰皆捷水套底定同治元年擢大順廣道命偕副都統撫克敦布辦理直東交界防勦事宜以勞卒於官優詔賜卹大名及原籍並建專祠

張琦初名翊字翰風江蘇陽湖人嘉慶十八年舉人以贍錄議敘知縣道光三年發山東署鄒平縣抵任歲且盡閑四百七十村麥無種者即申牒報災親詣上官陳狀破成例請緩徵因鄒平得緩者十六州縣民失物誤訟鄰邑長山歸獄於琦琦曰汝失物地大樹北抑大樹南曰樹北琦曰若是則我界也民愕然曰誠鄒平耶即不欲以數匹布煩父母官持牒去後權章邱鄒平民時赴訴琦曰此於法不當受慰遣之章邱民好訟院司道府五府吏皆籍章邱走書請託掎摭短長琦任歲餘無一私書至結案二千有奇無翻控者五年補館陶會久旱風糧麥苗皆死饑民衆掠琦禱雨既應嚴捕倡掠者廉得富家閉糴居奇狀按治之民大悅乃請普賑兩月館陶地褊小賑數多鄰邑數倍大吏呵之尋有詔責問歲饑狀甚切乃按臨災區民迎訴賑弊惟館陶得實始劾罷他邑令厚懇琦士有訟者閱其辭不直則曰課汝文不至訟乃至耶先試以文不中程責後乃決事士訟遂稀館陶地斥鹵不宜穀又衡水數敗田琦精求古溝防及區田法試行之未竟病卒在館陶八年民愛戴之理訟不待兩造集即決遣之以

其辭質後至者莫敢狡飾有疑獄亦不過再訊胥吏擾民必嚴論如法然籌其生計必周故無怨者琦少工文學與兄編修惠言齊名輿地醫學詩詞皆深造五十後始爲吏治績尤著時江西同知石家紹亦儒者爲治有古風殆相亞云家紹字瑞辰山西翼城人以拔貢爲壺關縣教諭道光二年成進士授江西龍門知縣發奸摘伏以神明稱調上饒再調南昌首邑繁劇而盡心民事理訟嘗至夜不輟連年水患饑民聞省會散賑廣衆郭外家紹與新建令同主賑始散米令饑民自燧來者益衆賑所瀕河幾莫能容乃改散錢令各返鄉里候載留漕米濟之時水災益棘家紹請開倉半餉復分廠煮粥以賑主者循例備三千人食而就食者五萬洶洶不可止家紹至諭之曰食少人衆咄嗟不能辦汝等姑退詰朝來不使一饑民無粥歟也衆皆迎拜曰石爹爹不欺人願聽處置爹爹者江西民呼父也歷署大庾新城新建三縣推銅鼓營同知署饒州贛州二府所至皆得民心家紹口呐呐若不得辭自大吏僚友縉紳士民卒隸無不稱爲循吏顧自視欵然嘗曰吏而良民父母也不良則民賊也父母吾不能民賊

也則吾不敢吾其爲民備乎十九年卒五縣皆祀名宦南昌民尤德之建祠於百花洲

劉衡字廉舫江西南豐人嘉慶五年副榜貢生充官學敎習十八年以知縣發廣東奉檄巡河日夜坐臥舟中與兵役同勞苦俾不得通盜河道歛戢署四會縣地瘠盜熾衡團練壯丁連村自保調捕會匪焚其籍以安反側祇治渠魁衆乃定調署博羅城中故設徵糧店數家鄉又設十站民以爲累衡至即除之俗多自戕里豪蠭役雜持之害滋甚衡釋誣濫嚴懲主使銅習一清補新興父憂去服闋道光三年授四川墊江俗輕生亦如博羅衡先事勸諭民化之獲贍匪初犯者曰饑寒迫爾給資使自謀生再犯不宥匪輒感泣改行調署梁山處萬山中去水道遠歲苦旱衡相地修塘堰以時蓄洩爲永久之計捐田建屋養孤貧歲得穀數百石上官下其法通省彷行尋調巴縣爲重慶府附郭號難治白役七千餘人倚食衙前衡至役皆無所得食散爲民存百餘人備使令而已歲歉衡謂濟荒之法衆不如散命各保以便賑恤是年雖饑不害衡嘗謂律

意忠厚本之爲治求達愛民之心然愛民必先去其病民者故恆寓寬於嚴官民之阻隔皆緣丁胥表裏爲奸所至設長几於堂左右分六曹爲六橋吏呈案則各就所几橋度之擊磬以聞衡自取立與核辦置之右几吏以次承領壅蔽悉除有訴訟坐堂皇受牘親書牒令原告交里正轉攝所訟之人到即訊結非重獄不遺隸勾掘即遣必注隸之姓名齒貌於籤又令互相保結設連坐法獄役無所施技性素嚴臨訟輒齧顏俾得通其情撫不過十惟於豪猾則痛懲不稍貸嘗訪延士紳周知地方利害次第舉革待丞尉營弁必和衷時周其乏緩急可相倚城鄉立義學公餘親課之爲治大要以恤貧保富正人心端士習爲主總督戴三錫巡川東其旁邑民訴冤者皆乞付劉青天決之語上聞七年擢綏州直隸州知州宣宗召對嘉其公勤八年擢保寧府知府九年調成都每語人曰牧令親民隨事可盡吾心太守漸遠民安靜率屬而已不如州縣之得一意民事也然所在屬吏化之無厲民者後擢河南開歸陳許道未幾病巡撫爲陳情及治獨狀請優待之以風有位特詔給假調理久之病不愈遂乞歸數年始

卒博羅墊江梁山巴縣皆請祀名宦祠同治初四川學政楊秉璋疏陳衡循績並上遺書穆宗諭曰劉衡歷任廣東四川守令所至循聲卓著去官四十餘年至今民間稱道弗衰所著庸吏庸言獨僚問答讀律心得等書尤爲洞悉閑閣休戚於興利除弊之道籌畫詳備洵無媿循良之吏將歷任政績宣付史館編入循吏傳以資觀感衡所著書皆閱歷有得之言當世論治者與汪輝祖學治臘說諸書同奉爲圭臬其後有徐棟著牧令諸書亦並稱焉棟字致初直隸安肅人道光二年進士授工部主事累遷郎中究心吏治以爲天下事莫不起於州縣州縣理則天下無不理稱州縣之職不外於更事久讀書多然更事在既事之後讀書在未事之先乃滙諸家之說爲牧令書三十卷又以保甲爲庶政之綱天下非一人所能理於是又有鄉有保有甲自明王守仁立十家牌之法後世踵行爲弭盜設此未知其本也亦集諸說成保甲書四卷二十一年出爲陝西興安知府調漢中又調西安所至行保甲皆有成效興安臨漢江棟補修惠春石泉兩隄加於舊五尺民頗苦其役十數年後大水冒舊隄二尺乃感念之

肖像以祀舊禁運糧下游棟以興安卑濕積穀易霉變既不能久儲又不能出境圖利者改種菸葉藍靛歉年每至乏食乃弛運糧之禁民便之舉卓異二十九年以病歸咸同之間在籍治團練修省城有詔錄用以老病辭尋卒祀興安名宦祠

姚東之字伯山安徽桐城人七世祖文變見本傳東之少負異才從族祖鼐學道光二年成進士授河南臨漳知縣屢決疑獄縣民張鳴武控賊殺妻稱賊攀二窗櫺入室東之勘窗櫺窄且夫未遠出詰之果夫因逐賊誤斫殺妻又常姚氏被殺罪人不得東之察其時爲縣試招覆之前夜所取第一名楊某不赴試疑之召至神色惶惑詢其居與常鄰乃夜至城隍廟命婦人以血污面與楊語遂得圓姦不從強殺狀每巡行鄉曲勸民息訟有訴曲直者即平之漳水溢齋糧赴災區且勘且賑全活者衆兼攝內黃民服其治閼漕之風頓革境與直隸大名昆連多賊巢掘地爲窟積匪聚賭排槍手爲拒捕計東之約大名會捕賊窟除而盜風息母憂去十二年服闋補廣東揭陽瀕海民悍械鬪擄掠抗賦狀

官習以爲常東之訓練壯勇集紳耆於西郊諭以保護善良與民更化最頑梗之區曰下灘盜賊土豪相勾結東之會營往捕拒者或死或擒一盜積犯十八案召被害者環觀僇之境內稱快有凶盜居錢坑其地四面皆山不可攻潮州故事凡捕匪不得則爇其廬空其積聚束之戒勿焚燒召耆老諭交犯不敢出乃乘輿張蓋入村從僅數人見耆老一一慰勞皆感泣願更始民在四山高望者咸呼好官次日遂交犯自下灘示威錢坑示德恩信大著收穫時巡鄉爲之保護樹催科旂值械鬪則樹止鬪旂一日望遇持火槍者結隊行望見官至悉沒水中命以漁網取之訊爲助鬪者按以法自此械鬪寢止興復書院厚待諸生回鄉以新政告鄉人有變則密以聞官民無隔閡逋賦者相率輸將強梗漸化縣大治遷連州綏猺廳同知民猺構訟判決時必使相安遂無事普寧縣匪徒戕官肆劫奉檄從鎮道往捕治匪以涂祥爲巢穴磨盤山爲聲援地皆險乃設方略正軍攻涂祥調揭陽壯勇自磨盤嶺突進破賊巢獲六百餘人事定言官誤論劾朝使查勘其誣得白十七年署肇慶府端溪大漲城不沒數版東之

日夜立城下守禦預放兵糧以平米價民不知災十九年擢貴州大定知府俗好訟東之速訊速結不能售其欺期年而訟稀白嶺洞地僻產煤鐵有汪擺片者據其地聚衆結會爲一方害捕滅解散地連川滇得彊鉅患焉大定民苗雜居宜治以安靜大吏下令東之必酌地方之宜不使累民見多不合遂引疾歸數年始卒吳均字雲帆浙江錢塘人嘉慶二十四年舉人道光十五年大挑知縣發廣東授乳源調潮陽歷署揭陽惠來嘉應海陽在海陽捕雙刀會匪黃悟空竄之法舉卓異署鹽運司運同擢佛岡廳同知署潮州知府咸豐二年惠州土匪肆劫均奉檄往獲匪千餘分輕重懲治遂肅清三年實授時東南各行省軍事亟福建湖南大吏聞均名先後奏調往襄勦匪廣東方倚爲保障堅留之四年江南大營散兵回粵結匪爲亂賊首陳娘康擁衆圍潮陽分黨陷惠來攻普甯援軍失利均親督戰敗賊甫解潮陽圍海陽彩陽鄉匪首吳中庶乘間糾黨陳阿拾煽衆旬日至萬餘人大掠海陽逼攻郡城澄海匪首王興順亦與合均檄潮陽令汪政分兵援郡城戰城下殲賊數千圍解自移軍澄海冒雨破賊

巢分路搜捕清餘孽旋克惠來斬陳娘康等於陣未幾以積勞卒於官均性清介治潮最久誅盜尤嚴每巡鄉輒以二旂開導大書曰但願百姓回心免試一番辣手化莠爲良保全彌衆從役有取民間絲粟者立斬馬前民益畏服在潮陽以濱海地鹹鹵開渠以通溪水築堤六千餘丈淡水溉田瘠土悉沃在海陽濬三利溪加築北堤爲郡城保障及守潮州修復州東廣濟大橋附郭西湖山高出城上登瞰全城如指掌舊有高墉爲犄角久圯均築展新城跨濠而過圍山於城內至是匪亂圍攻竟不能破民咸頌之歿後追贈太僕寺卿光緒間潮州建專祠

王肇謙字琴航直隸深澤人道光十四年舉人授福建海澄知縣馬口鄉民構釁互掠親諭利害積嫌賴解捕巨盜許轉寘諸法羣盜斂迹富紳爭產累訟男婦數十人環跪堂下援引古義喻之更反自責衆赧然謂今日始知禮義訟以是止邑民李順發負楊茄柱金爲楊所留乃以刦財訴諸教堂教主移牒請嚴究衆汹湧肇謙白上官茄柱無罪不必治教士矯心不可長總督劉韻珂嘉其

抗直閩縣上草村故盜數檄肇謙往捕至則召其父老開陳大義曰我來活若一鄉若列銃拒官大府欲屠之尚不知耶衆大恐肇謙曰某某皆大盜速縛來三日縛齊保甲冊吾保若無事遂立以盜獻廈門洋人因賃屋與民齋餚奉檄往治據理剖決兩無所徇洋人帖服咸豐二年署上杭時粵匪據江寧福建賊林俊遙應之陷漳州永春大田諸郡縣肇謙建碉儲粟製器械簡丁壯爲堅壁清野計賴以無虞三年淫雨爲災且賑且治軍率團勇越境勦松源縣賊四千擢永春直隸州知州募鄉兵二萬破林俊於城南山擒土匪邱師喜八等署漳州知府漳浦古竹社蔡全等爲亂肇謙設方略約內應生擒全詔嘉之晉秩知府漳浦俗犷悍難治肇謙謂民不奉法由吏不稱職課所屬清案牘勤催科懲械鬪嚴緝捕表義行振文教以能否爲殿最漳人以爲保障署延建邵道調署興泉永道未行粵匪竄入境肇謙誓以死守督軍隨按察使趙印川十三戰皆捷以勞卒詔贈光祿寺卿祀上杭名宦祠曹瑾字懷樸河南河內人嘉慶十二年舉人初官直隸知縣歷署平山饒陽南津皆得民心噲饑懲盜多惠政補威縣

調豐潤以事落職尋復官發福建署將樂又以失察邪教被劾引見仍以原官用道光十三年署閩縣旗兵與民械鬪持平曉諭利害皆帖伏值旱迎胡神於鼓山禱雨官吏奔走跪拜街衢間瑾斥其不載祀典獨屹立不拜大吏奇之以爲可任艱鉅時臺灣歲歉多盜遂補鳳山同疾苦詰盜賊剔除弊蠹順民之欲淡水溪在縣東南由九曲塘穿池以引溪水築壟導圳凡掘圳四萬餘丈灌田三萬畝定啟閉蓄洩之法設圳長經理之二十年撥淡水廳同知海盜剽劫商賈漳泉二郡人居其間常相仇殺又當海防告警瑾至行保甲練鄉勇清內匪而備外侮英吉利兵艦犯鵝籠口瑾禁漁船勿出絕其鄉導懸賞購敵曾民爭赴之敵船觸石禽百二十四人屢至屢却之明年又犯淡水南口設伏誘擊俘漢奸五敵兵四十九人事聞被優賚未幾和議成英人有責言總督怡良知瑾剛直謂曰事將若何瑾曰但論國家事若何某官無足重罪所應任者甘心當之但百姓出死力殺賊不宜有負怡良歎曰眞丈夫也卒以是奪級後以捕盜功晉秩以海疆知府用瑾遂乞病歸數年始卒

桂超萬字丹盟安徽貴池人道光十二年進士以知縣發江蘇署陽湖四十日
巡撫林則徐賢之補荆溪未任父憂去十六年服闋授直隸欒城捕盜不分畛
域每於隣邑交界處破賊巢盜風息濬浚河金水河及城河通溝洫平道路水
潦無患限紳戶免役不得過三十畝免累民勸樹畜修井冀田種薯芋以備荒
復書院設義塾化導鄉民習異教者多改行調萬全署豐潤值英吉利犯天津
沿海戒嚴超萬訓練鄉勇募打鳴善槍法者以備戰後粵匪犯畿輔天津練勇
效超萬法頗收鴨槍狙擊之效詔舉賢吏總督訥爾經額薦超萬持躬廉謹盡
心民事遷北運河務關同知二十三年擢授江蘇揚州知府揚俗浮靡超萬勵
勤儉嚴禁令凡衙蠹管兵地棍訟師諸害民者悉繩以法訟於府者一訊即結
逾兩年調蘇州時漕弊積重大戶短欠且得規包納逋丁需索日增官民交困
超萬爲減幫費均賦戶之議乃訪懲豪猾示均收章程依限完納卽赦旣往請
大吏奏定通行積困稍甦屯佃求減租聚衆毆業主糧艘水手因行海運失業
勾結滋事勢皆洶洶超萬處以鎮靜先事戒備得弭亂萌署糧儲道二十九年

擢福建汀龍漳道乞病歸咸豐中粵匪擾安徽超萬在籍治鄉廬同治初福建巡撫徐宋幹薦之署福建糧儲道尋擢按察使年八十卒於官張作楠字丹邨浙江金華人嘉慶十三年進士銓授處州府教授擢江蘇桃源知縣調陽湖事廉平人稱儒吏道光元年擢太倉直隸州知州三年大水作楠冒雨屢勘災鄉問民疾苦停徵請賑借帑平糴疏濬境內河道以工代賑水得速洩涸出田畝不誤春耕人刊婁東荒政編紀其事尋奉檄赴松江獄鄉民訛傳去官慮仍收漕紛紛奔訴會瀕海奸徒乘間蠢動作楠聞變馳回中途檄主簿蕭翹赴茜涇捕首惡曾從罔治事遂定作楠勤於治事案無滯牘暇則篝燈課讀妻女紡織常至夜分人笑其爲校官久未改故態五年擢徐州知府受代以平糴虧帑二萬金彌補未完作楠自危巡撫陶澍曰救災民如哺兒失乳即死吾方咎汝請糴時顧慮折耗不兌稍稽遣大投難者胡亦泥此且紳民已代致萬金不汝責也徐州亦被災籌賑甚力民賴以甦在任兩載乞養歸鄉居二十餘年足迹不入城市三子皆令務農工或問何不仍業儒曰世俗讀書爲科名及入仕

則心術壞吾不欲其墮落也作楠精算學貫通中西在官以工匠自隨製儀器
刊算書所著書匯刻曰翠微山房叢書行於世學者奉爲圭臬焉卒祀鄉賢祠
雲茂琦廣東文昌人道光六年進士授江蘇沛縣知縣詢民疾苦懸懸如家人
勸以務本分忍忿爭訟頓稀縣地卑多積潦開濬溝洫歲獲屢豐籌緝捕經費
獲盜多給重賞盜賊屏迹課諸生先德行後文藝語以身心性命之學隣邑聞
風而來書院齋舍至不能容總督蔣攸銛稱其有儒者氣象調六合連年大水
災民得賑無流亡邑多淫祀毀其像改書院衛田多典質爲清理復業還戶得
所津貼漕累以紓考最入覲改官兵部郎中又改吏部未幾告養歸家居十數
年設田贍族鄉邑興革無不盡力主講課士有法卒祀名宦祠

清史稿

列傳

循吏四

徐台英

劉秉琳

蒯德模

楊榮緒

冷鼎亨

涂官俊

王仁堪

牛樹梅

李炳濤

方大湜

王仁福

孫葆田

張楷

何日章
吳應連

鄧鏡清
朱懋仁

陳臺

朱光甫

林朝選

李本

陳文魁

徐台英字佩章廣東南海人道光二十一年進士授湖南華容知縣俗好訟台

英謂訟獄糾纏由於上下不通與民約傳到即審結胥役需索者痛懲之一日閥呈詞不類訟師胥吏筆鞫之果諸生也拘至試以詩文文工而詩劣諭曰詩本性情汝性情卑鄙宜其劣念初犯姑宥其改行其人感泣去規復沱江書院

月自課之曰陸清獻作令日與諸生講學吾不曉講學若教人作文因而誘之
讀書立品是吾志也縣田有折田塊田山田之分瀕湖地旱少潦多塊折例有
蠲緩田無底冊影射多書役墾徵官給空票花戶糧數任其自注役指爲欠者
拘而索之官不知所徵之數保戶包納漕米相沿以爲便挾制浮收無過問者
積欠數萬官民交病台英知其弊乃清田冊注花戶糧數姓名住址立碑塊上
使冊不能改應緩應徵者可親勘而影射之弊絕申糧隨業轉之例即時過割
而飛洒之弊絕收漕分設四局俾升合小戶就近輸民免保戶之加收而包納
之弊絕塊田舊有堤修費出田主有挪塊田作折田冀免隄費者有賣田留稅
派費賠累者有賣稅留田派費不至者隄費不充一塊隄潰他塊同希豁免凡
借帑修隄者久無償相率亡匿台英丈田均費低窪者許減派不許匿畝其人
戶俱絕歸宗祠管業承費巨族有抗者罪之行之期年隄工皆固逋賦盡輸調
耒陽耒陽徵糧由櫃書里差收解取入倍於官刁健之戶輕良善之戶重民積
忿有楊大鵬者以除害爲名欲揭竿爲亂事平台英遂盡革里差時上官欲命

舉甲長以代里差仍主包收包解台英以甲長之害與里差同因集鄉紳問之曰巡撫命汝等舉甲長何如曰無人願充台英曰甲長所慮在不知花戶住址汝等所慮在甲長包收吾今併戶於村分村立冊以各村糧數合一鄉以四鄉糧數合一縣各村納糧就近投櫃糧入串出胥吏不得預甲長祇任催科無昔日包收之害此可行否衆皆拜曰諾台英曰隱匿何由核衆曰取消冊磨對有漏補入可耳曰虛糧何由整曰虛糧無幾有則按畝勻攤可耳數月而清冊成糧法大定大飈之亂誘脅者多台英禁告訐一縣獲安以憂去官同治元年詔起用發浙江署台州知府未任卒

牛樹梅字雪橋甘肅通渭人道光二十一年進士授四川彭明知縣以不擾爲治決獄明慎民隱無不達咸愛戴之隣縣江油匪徒何遠富糾衆劫中壩場地與彭明之太平場相近樹梅率民團禦之匪言我不踐彭明一草一木也迨官軍擊散匪衆遠竄匿下莊白鶴洞恃險負隅遙呼曰須牛青天來吾即出樹梅至果自縛出擢茂州直隸州知州尋署甯遠知府地大震全城陷沒死傷甚衆

樹梅壓於土獲生蜀人謂天留牛青天以勸善樹梅自咎德薄不能庇民益修省所以賑卹災黎甚厚民愈戴之父憂去官咸豐三年尙書徐澤醇薦其樸誠廉幹詔參陝甘總督舒興阿軍事八年湖廣總督官文薦循良第一發湖北病未往同治元年四川總督駱秉章復薦之擢授四川按察使百姓喜相告曰牛青天再至矣三年內召以老病不出主成成都錦江書院時甘肅回匪尙熾樹梅眷念鄉里遺書當事論勦回宜用土勇略云軍興以來劇寇皆南勇所掃盪今金積堡既平河州水土尤惡若參用本省黑頭勇其利有六飽粗糲耐冰霜一也有父母兄弟妻子之仇有田園廬墓之戀二也給南勇牛餉即樂爲用三也無歸之民收之不致散爲賊四也久戰狄河一帶不費操練五也地勢熟習設伏用奇無意外虞六也後總督左宗棠採其說主用甘軍卒收其效光緒初歸里卒年八十四何日愈字雲陔廣東香山人父文明河南洧川知縣有惠政曰夷人殺漢民知州檄曰愈往驗以賄乞免却之乃率衆來劫不爲動卒成讞而

還獄上大吏廉得直曰愈由是知名捐升知縣以習邊事辦西藏糧臺三載還補岳池縣不畏強禦豪右歛戢練鄉團繕城郭庀器械逾數年滇匪犯岳池後令賴所遺械以拒賊時比張孟談之治普陽云調署平山以母憂去咸豐六年服闋寄遠府野夷出巢焚掠大吏檄曰愈參建昌鎮軍事川西獮夷凡數十支自雷波殺邊滇南二十四塞頻年肆擾值西昌縣告變曰愈馳至衆大譁曰夷傷吾人曰愈曰若等平日欺夷如鹿豕使無所控告故釀禍今且少息吾爲若治之乃集兵練出不意搗夷巢夷皆匍匐聽約束漢民屋毀粟罄夷請以山木供屋材並貸穀爲食曰愈諭民曰此見夷人具有天良若等毋再生釁漢民遂相安曰愈既益悉夷番之情爲山川之險隘擬綏邊十二策格不得上未幾滇匪韓登鷺糾衆入會理州境聲言與回民尋讐回民疑漢民召匪因焚民居曰愈率一旅往聞流言奸細伏城內乃下令毋閉城三日後按戶搜查容奸細者從軍法越三日城內外賊黨悉遁曰愈曰吾不閉門不遽搜者正開其逃路耳衆皆服遣人持榜文諭登鷺還示釋怨退去復持諭回民曰昔日被水災

田廬盡沒何公一騎渡水賑我又爲我濬河至今無水患戴德未忘今敢不遵
諭違者誅之自是回民亦不擾州境事定鎮府上其功會有攘之者遂不敘比
粵匪犯蜀曰愈數陳機宜當事不能用退居灌縣後歸卒於家子環官至浙閩
總督吳應連江西南城人道光元年舉人以知縣揀發四川歷署天全涪州永
川安岳蒲江新津綿竹仁壽諸州縣補石泉調彭縣宦蜀先後二十年所至修
塘堰濬河渠平治水陸道塗捕盜賊土豪撫災民皆有實政咸豐初蜀匪漸熾
應連在彭縣編團儲械以備不虞四年卒於官未幾悍匪迭來犯賴鄉勇保全
危城民思遺績留殯於城內三忠祠旁歲時祀之涪州安岳永川石泉仁壽先
後請祀名宦祠

劉秉琳字崑圃湖北黃安人咸豐二年進士授順天寶坻知縣持躬清苦恤孤
寡懲豪猾悉去雜派及榷酤贏餘者索倫兵伐民墓樹縱馬躡田禾反誣村民
繫其馬秉琳力爭得直蝗起督民自捕集資購之被蝗者得錢以代賑且免踐
田苗遷宛平京縣十年英法聯軍犯京師秉琳奉檄赴營議犒納刀礮中慮以

非禮相加義不受辱抗論無少屈稿具皆如議尋引疾歸穆宗登極有密薦者復至直隸署任邱民以驛車爲累籌資招雇永除其害擢深州直隸州知州七年捻匪張總愚竄畿輔且至人勸其眷屬可避秉琳曰吾家人皆食祿者義不可去授兵登鄆鄉民及隣境聞之咸挈入保至十餘萬人嬰城四十餘日賊圍之不破秉琳上書統帥言賊入滹沱河套勢益蹙宜兜圍急擊緩將偷渡東竄卒如其言寇平優敘州地多斥鹵民以鹽爲恆產課與常賦埒水旱不得報災非灑鹽無以應正供秉琳議官銷法以杜私販民悅服九年擢正定知府滹沱溢發所儲兵米以賑築曹馬口迴水斜角三堤水不齷城民用安集郡與山西接壤固關守弁苛稅煤鐵商販委物於路衆衆上訴秉琳往解散除其重征鎮將獲盜三已誣服秉琳鞠之乃兵挾負博嫌裁職刑逼以成其獄釋三人者而重懲其兵光緒元年擢天津河間道兼轄南運河工請復歲修銀額河兵口食足乃無偷減工料之弊築中亭河北隄涸出腴田千餘頃時方旱流民集天津設粥廠躬親其事所活甚衆嘗太息曰哺飢衣寒救荒末策也本計當於河渠

書農桑譜中求之四年乞病歸數年卒同治初年軍事漸定始課吏治大學士曾國藩爲直隸總督下車卽舉賢員如李文敏任道銘李秉衡後並至巡撫秉琳及陳崇砥夏子齡蕭世本諸人治行皆卓著當時風氣爲之一振云崇砥字亦香福建侯官人道光二十五年舉人咸豐三年大挑知縣發直隸授獻縣盜賊充斥嚴緝捕渠魁多就擒治鄉團十六區合千五百人分班輪值邑以有備擒匪張錫珠擾畿輔崇砥開城納逃亡督衆效死縣境減家橋爲通衢河間守欽毀橋阻賊崇砥謂方宜安集難民遙爲聲援豈可夷險示弱且委東鄉於賊非計也竟不毀橋賊旋引去大學士祁雋藻疏薦之擢保定府同知筦水利崇砥以府河港汊紛岐苦易淤設水誌增夫役器具以時汰淤商船打壩阻水爲設壩船給板橋過淺構橋咸稱便同治八年署大名知府兵亂時民多築寨堡自衛後事定寢至藏奸抗官崇砥親履勘收繳軍械易正紳司之澆風漸息畿南久苦旱暱難普及崇砥議有田十畝以上者不暱極貧大口錢千小口半之壯者不給先編保甲造細冊不曰暱而曰貸事畢奏請蠲貸民安之南樂縣民

抗徭聚衆令告變崇研輕騎往平其輕重衆歡然輸納副將駐兵獻縣兵不戢鄉團疑其匪也狀副將既而知誤畏罪衆衆不散檄崇研往治令縛首禍者皆從旨免之調署順德府尋擢河間知府河間素多訟崇研剋期審結數決疑獄期年而清漳沱下游爲災崇研請築古洋河堤自獻縣至肅甯六十里於蔡家橋作隄防支流開溝六千丈以資宣洩自馮家村至高旦口造橋建樁防子牙河暴漲於是古洋通流近地皆大稔光緒元年卒於官祀名宦夏子齡字百初江蘇江陰人道光十六年會試第一成進士初官禮部主事任事果決尚氣節庫丁賄當事請準捐考力持駁議時稱之改授河南汲縣知縣勤聽訟嚴治盜遇事持大體咸豐初詔求人才巡撫潘鐸特薦之會母憂去官服闋授直隸深澤調饒陽比歲旱蝗盜劫肆擾選健役百人教以技擊更番直有事雖午夜立率以出捕劇盜幾盡分境內團練爲八區輪期會操久之皆可用十年英法聯軍入京師畿南土匪蜂起冀州王洛悅河間劉四賈灤等各聚集千人連擾郡邑子齡率團勇迎擊境上斬獲數百劉四受創遁王洛悅聞風驚潰劉四等尋

於他縣被擒伏法王洛悅亦就撫事平優敘縣舊爲滹沱所經北徙已久十一年上游決溢水驟至近郊爲澤國訪尋故道濬老澗溝上接安平境下入獻縣十丈民便之遷宛平京縣擢易州直隸州知州西陵在州境故事護陵俸餉及祭品牛羊芻豆州領帑給之陵員與州吏因緣爲侵蝕數煩朝使察治子齡與守陵大臣議訂章程弊去泰甚始相安焉歲旱奸民衆擾大戶立杖斃煽衆者勸捐賑卹灾不爲害同治六年河北馬賊起擾及鄰境募勇治團如饒陽時匪惱其名不敢犯次年捻匪竄擾畿輔守要隘清內匪防軍久駐有淫掠者立斬以徇閭境肅然論功晉秩知府美利堅教會私購民居爲耶蘇堂執條約與爭以其無游歷執照購屋未先告州境附近陵寢有關風水皆與約背竟退價撤契且杜其後至尋請離任以知府候補未幾卒易州饒陽並祀名宦祠子詒鉅官永年知縣亦以廉平稱有治績世本字廉甫四川富順人同治二年進士選庶吉士散館授刑部主事改直隸知縣先在籍治團練有聲曾國藩莅直隸

辟爲幕僚九年天津民教相鬭斃法國領事幾肇大釁遂以世本署天津縣尋質授天津民憚奸鬥鍋夥匪動爲地方害世本嚴懲之地爲通商大埠訟獄殷繁世本手批口勦斷決如神逾年父憂去服闋仍補天津歲旱災黎就食萬數給粥施醫無失所調清苑擢遵化直隸州知州復以母憂去服闋以知府候補筦天津守望局捕誅大盜王洛八謝昆海道肅清倡修運河堤以免水患疏濬龍河故道開范家隄及石碑河宣惠河金沙嶺下水道四十餘里皆藉賑興工民利賴之署天津正定兩府十三年卒附祀曾國藩祠

李炳濤字秋槎河南河內人咸豐中就職州判謁曾國藩於軍中尋佐皖軍營務能調和將士積功晉同知留安徽同治四年國藩北征擒匪炳濤上書言四事一專責防堵以賊分竄一聯絡民團以孤賊勢一設局開荒以資解散一多備火器以奪賊長國藩頗採其言檄查亳州圩炳濤微服出入盡得諸匪徒姓名及蠹役胡采林通匪虐民狀誘采林誅之卒其首一州驚懼自是訟獄者咸取決於炳濤按圩查閱立條教別良莠戮悍賊二百予自新者三千期年而俗

變無盜竊者五年捻匪竄州境曉諭以大義雖與寇有親故者無敢出應捻匪引去六年署蒙城縣蒙毫接壤瘠苦尤甚炳濤勦強梗撫良懦振興書院絃誦聲作捻匪餘黨解散及各軍凱撤還鄉者數千人彈壓安輯民用晏然巡撫英翰疏陳炳濤治行爲安徽第一被詔嘉獎十年調署亳州尋擢廬州知府廬州故劇郡中興以來元助宿將相望橐猶藉倚聲勢爲不法官吏莫敢誰何炳濤嚴治之稍戢無爲州江隄官督民修炳濤禁胥吏索規費工必覈實府東施河口爲衝途冬涸商船以數牛牽挽始行時值旱災以工代賑濬河深通運賑者皆至商民便之西洋人欲於城內立教堂成有日矣炳濤諭地主曰爾不聞甯國之變耶他日民教有爭端爾家首禍其人懼事得寢光緒二年大江南北訛言有妖術剪人髮者民情洶洶奸民藉以倡團立卡多苦行旅炳濤徧示城邑無妄動誅一員匪其疑似者悉不問人心旋定三年母憂去官皖南興辦保甲墾荒大吏奏調炳濤主其事五年卒於甯國炳濤機警善斷獄在蒙城管馬爲賊所劫乃傳諭詰日城但啟一門見有馬奔出有鞍而無轡命羈之俄一人

手持一封將出城回顧者再縛之發其封則簪與刲物皆在其人伏罪在亳州
田父報子夜投井死驗無傷井旁有汲水器炳溝念夜非取水時既願死何暇
持器詢其婦無戚容偵其平日與鄰婦往來拘鄰婦鞫之果得狀蓋鄰婦弟與
婦通欲害其夫適其夫以事忤父鄰婦邀醉以酒而投之井置汲器者欲人信
其取水投井也於是皆伏法時皖北被兵久撫輯遺黎多賴良吏炳溝爲最又
有俞澍朱根仁鄒鍾俊王懋勳並爲時所稱澍直隸天津人以縣丞發安徽襄
壽春鎮軍事咸豐六年署蒙城知縣時縣城初復人烟寥落招集流亡以大義
激紳民築城籌守鄉趨工者踴躍不費公家一錢挖渠苗沛霖反側叵測窺縣
城十餘次不能破城有內應賊者捕斬三人而賊退七年攻城於鄧墟擒其酋
徒成德等八年攻克龍元賊壘捻酋孫葵心來犯出奇計擊走之附近捻墟懾
於聲威往往反正受約束九年實授先後敘功晉同知直隸州在官數年潔己
愛民及歿民皆痛哭送其柩二千里歸葬詔贈道銜建專祠根仁字禮齋江蘇
常熟人以州判從軍督秩知縣留安徽同治三年署定遠兵燹初定徵調尙繁

前令試辦開徵根仁以民不堪命請緩之籌備供億民無所擾捕巨猾雍秀春未獲得黨羽名冊根仁曰我何忍興大獄以博能名喪亂未平民氣未固激之生變可勝誅乎遂火其冊聞者爲之改行貼雞岡周姓聚旅居有從逆者已死里人利其田廬致周族人於獄根仁一訊釋之後再署定遠撫匪擾境根仁修城濬隍聚糧固守暇輒輕騎巡鄉勸民修復陂堰十家治一井田二頃闢一塘旱不爲災歷署阜陽懷甯捕阜陽積匪程黑置之法補全椒興水利有實政光緒四年卒鍾俊字雋之江蘇吳縣人同治中以州判官安徽積勞晉秩知縣補太平平反冤獄慈祥而人不欺聖荒勸農蒿菜盡闢不追呼而賦辦邑行淮鹽與浙引接界屢以糾私釀大獄乃請以官牒領鹽試辦分銷民始安修復水利興書院儲書七萬卷輯儒先格言曰人生必讀書訓士敦本行旌節孝修祠祀舉行賓興鄉飲酒禮在任五年以興養立教爲務調太和歷署懷寧六安阜陽蕪湖渦陽所至有聲光緒中乞休卒於家清貧如故子嘉來官至外務部尚書守其家法焉懲勤字弱丞湖北松滋人咸豐中以議敘縣丞發安徽從軍有功

晉知縣歷署潁上合肥亳州泗州補六安直隸州知州因事去職尋因籌賑捐獎以知府候補懋勳先後官安徽近五十年任亳州泗州皆三次初至毫捻匪苗沛霖初平清查戶口收繳軍械平毀寨堡數百民始復業懲械門清積案釐學產復書院士民戴之以父憂去會巡撫過境州人萬眾乞留懋勳巡撫許以俟服闋重任後如其言夾道歡迎光緒初濟飢煮粥以賑河南山西陝西飢民流轉入境留養資遣全活無算泗州瀕洪澤湖爲匪藪捕誅盜數十閭閻得安治獄無株連禁差保擾民勸農事勵風化親歷鄉曲民隱悉達最後至泗距前已二十餘年盜賊聞風遠竄奸胥皆避歸田野宣統元年卒

蒯德模字子範安徽合肥人咸豐末以諸生治圃練積功洩保知縣留江蘇同治三年署長洲時蘇州新復盜日數發德模偵之輒獲有置鎮將管者親往擒以歸寘之法車渡民衆抗租或欲餽以兵德模曰是激之變也扁舟往治首惡散脅從事立平治有天主堂雍正間鄂爾泰撫蘇改祠孔子泰西人伊宗伊以故址請德模曰某官可罷此祠非若有也卒不行奸人誘買良家女倚勢豪

爲庇德模挈女親屬往出之橐亦屈服其不畏強禦類此常周行鄉陌田夫走卒相酬奮周知民隱馭下嚴而恤其私胥役奉法不敢爲蠹附郭訟獄故繁日坐堂皇判決間用俳語鉤距發摘豪猾屏息然執法平不爲繖刻上官遇疑獄輒移鞠治多所平反治長洲四年判八百餘牘盡憚民意或播謠謠焉江北大水災民脣集德模請於大吏分各縣留養三萬餘人無失所民有爲飢寒偷竊者設化莠室給衣食使習藝藝成遣歸爲滸墅關營籌芻秣費永免比閭供役修望亭塘爲橋二十八以利行旅兵役之後百廢待舉壇廟倉庾書院善堂祠宇及先賢祠墓率先修復不足則斥俸助之徵漕舊有淋尖踢斛花邊樣米捉猪諸色目又有截串差追諸弊一皆革除不追呼而賦辦惟大小戶均一便於民而不便於紳御史朱鎮以浮收効奏事下按治總督曾國藩巡撫郭柏蔭奏雪之詔以是非倒置切責原奏官旋署太倉直隸州知州蘇州知府九年調署鎮江時天津民擊斃法蘭西領事豐大業沿江戒嚴德模至則葺外城浚甘露港召還居民之聞警遠徙者人心始定調署江寧未幾擢四川夔州知府府城

濱江屢圯於水修築輒不就德模自出方略築保坎十三道甃以方丈大石層累而上捐萬金以倡其役不二年遂成附郭有臭鹽磧盛漲則沒水水落貧民相聚煎鹽鹹爲雲陽竈戶所持請封禁然冬令私煎如故衆抗捕無如何德模請弛禁官買其鹽運銷宜昌不奪奉節貧民之業不侵雲陽銷引之岸遂著爲令勸民種桑奉節一縣二十二萬株他邑稱是在夔四年卒於官長洲太倉夔州皆祠祀之林達泉字海巖廣東大埔人咸豐十一年舉人江蘇巡撫丁日昌辟佐幕府留心經濟每論古今興圖武備及海外各國形勢厯厯如指掌日昌雅重之同治三年粵匪餘孽竄廣東達泉歸里練鄉勇籌防禦大埔得無患叙績以知縣選用七年隨勦山東捻匪有功曾直隸州知州發江蘇八年署崇明知縣亂後彌敞達泉革陋規清積獄修城垣浚河渠建橋梁置義塚增書院膏火設同仁育嬰堂利民之政知無不爲及去任父老遮道攀留其後兵部侍郎彭玉麟巡閱過境見老者飢踣於道與之食曰若林公久任於此吾邑豈有飢人哉十一年署江陰城河通江湖又縣境東橫河關農田十餘萬畝灌溉之

利亂後皆淤塞大浚之建義倉勸捐積穀所定章程歷久遵守光緒元年授海
州達泉先奉檄勘海沐鹽河請以工代賑下車次第舉辦浚甲子河及玉帶河
復橋路增隄防民咸稱便州地瘠民貧素爲盜藪達泉時出巡擒巨盜寅之法
土宜棉設局教民紡績廣植桐柏雜樹於郭外錦屏山所規畫多及久遠時方
經營臺灣船政大臣沈葆楨疏薦達泉器識宏遠潔己愛民請調署新設之臺
北府格於部議特詔從之達泉至陳治臺諸策議建置減徵收整飭防軍招民
墾荒皆因地制宜事草創積勞致疾四年丁父憂以毀卒

方大湜字菊人湖南巴陵人咸豐五年以諸生從巡撫胡林翼軍中洩保知縣
授廣濟縣清保甲治團練盜賊屏息築盤塘石堤下游數縣皆免水患十年土
匪何致祥等謀結皖賊襲攻官軍大湜偕員外郎閻敬銘馳往擒之十一年皖
賊竄湖北黃州德安諸屬縣先後陷廣濟亦被擾大湜被吏議革職留任調署
襄陽飛蝗徧野大湜躋屢持竿躬率農民撲捕三日而盡濬城南襄水故道渠
成澗復田數萬畝同治初巡撫嚴樹森疏陳大湜政績優異復原職八年擢宜

昌知府九年大水雖民避高阜絕食兩日大堤捐資煮粥糜又爲餽飪數萬賑之諭米商招民負米日致數十石計日散給災戶無失所攝荆宜施道十年調武昌樊口有港蜿蜒九十餘里外通江內則重湖環列周五百里江水盛漲由港倒灌近湖居者苦之僉請築壩樊口以禦江水大堤謂閉樊口則湖水無所洩環湖數縣受其害上下江堤亦危力持不可光緒五年再署荆宜施道尋擢安襄鄧荆道厯直隸按察使山西布政使八年開缺另候簡用遂乞病爲言者所劾鐫級歸大堤生平政績多在爲守令時所至興學校課蠶桑事必親理胥吏無所容奸民親而信之時周歷民間一吏一擔夫自隨即田隴間判訟守武昌時勘隄過屬縣暮宿民家已去而縣官猶不知嚴義利之辨嘗曰以利誘者初皆在可取不可取之間偶一爲之自謂無損久則顧忌漸忘自愛者當視爲飲毒飢渴至死不可入口又曰居官廉如婦人貞節不過婦道一端若恃貞節而不孝不敬不勤不慎豈得謂賢乎公暇輒讀書所著平平言及蠶桑捕蝗修堤區田諸書皆自道所得歸田後謂所親曰官至兩司不如守令之與民親措

置自如也遂不出卒於家陳豪字藍洲浙江仁和人同治九年優貢以知縣發
湖北光緒三年署房縣勤於聽訟每履鄉倅提榦張幕憩息荒祠與隸卒同甘
苦會匪柯三江謀亂立禽賁之法置懲縣門諭脅從自首杖而釋之徵米斗斛
必半不留難不挑剔民大悅刁紳感而戒訟禁種鴉粟募崇陽人教之植茶咸
賴其利歷署應城蘄水授漢川頻年襄河溢修築香花垸彭公垸天興垸諸堤
疏濬茶壘溝縣河口以工代賑新溝者毘漢陽冬涸舟澗江口奸民輒恃衆索
詐捕治諭禁之因病乞休沐將去任有淹訟久未決慮貽後累畀胡床至廳事
判定兩造感泣聽命值年飢發賑大吏知豪得民心強起力疾往民夾道憹呼
賑未半復以疾去尋署隨州素多盜豪如治房縣時置懲令自首選賢紳行保
甲盜風頓戢俗多自戕圖詐豪遇訟實究虛坐不稍徇澆風革焉立輔文社選
才雋者親教之多所成就治隨二年瀕行聞代者好殺竭數晝夜之力凡獄情
可原者悉與判決免死後因養母乞免歸浙中大吏輒諮要政多所匡益家居
十餘年卒豪在隨州重修季梁祠及卒隨人思其德於西偏爲建造愛祠祀之

楊榮緒字勗香廣東番禺人咸豐三年進士選庶吉士授編修擢御史英法聯軍犯京師駕幸熱河榮緒與同官抗疏請回鑾又劾參贊國瑞飢法營私風裁頗著同治二年出爲浙江湖州知府粵匪據湖州四年時甫克復荒城白骨闐無人煙榮緒置善後局規畫庶政安集流亡閭閻漸復屬縣糧冊無存榮緒招來犁闢試辦開徵歲有起色湖竇利甲天下經亂桑盡伐課民復種貧者給以桑苗絲業復興郡稱澤國滙天目諸山之水入太湖烏程長興境內舊有溇港各三十六以爲宣洩亂後多淤塞五年榮緒奉檄開濬至八年雖畢烏程溇港尤易淤賴設閘以禦湖水之倒灌九年重修諸閘因經費不充頻年經營猶未盡也十年內閣侍讀學士鍾佩賢疏陳其事朝命大加濬治時榮緒舉卓異入覲宗源瀉代攝郡源瀉亦能事規畫舉工及榮緒回任集絲捐得鉅款以資興作屏去兼從輕舟巡驗常駐湖濱踰年工始竣以溇港旋開旋淤議定分年疏濬之法及鏟蘆撈淺閘版啟閉章程數十年遵守不輟又開碧浪湖疏北塘河及城河葺學校建考舍修書院建倉庫造橋梁復育嬰堂百廢具舉鞠獄詳審

清 · 朝 · 史
吏胥立侍相更代終日無倦容親受訟牒指其虛謬曰勿爲胥吏所用也手書牒尾輒數百言剖析曲直人咸服之訟以日稀刑具朽敝隸役坐府門賣瓜果自活客坐無供張儉素如布衣時遠近頌爲賢守在任十年嗣爲人所譖遂求去捐升道員離任尋卒郡人思之請祀名宦祠林啟字迪臣福建侯官人光緒二年進士選庶吉士授編修督陝西學政馭士嚴正任滿遷御史直言敢諫稽察祿米倉不受陋規爲時所稱十九年出爲浙江衢州知府多惠政二十二年調杭州除衙蠹通民隱禁無名苛稅餘杭巨猾楊乃武因姦通民婦葛畢氏興大獄刑部訊治倅免重罪歸則益橫攬訟事挾制官吏莫敢誰何啓捕治之乃武控京師不爲動卒論如法尤以興學爲急務時各行省學堂猶未普立杭郡甫建求是書院啟復養正書塾並課新學舊有東城講舍益振興之兼經義治事陰主程朱之說而變其面目誘諸生研尋義理以成有用一時優秀之士皆歸之又以浙中蠶業甲天下設蠶學館於西湖講求新法成效頗著遇國外交涉事持正無邊就遠人亦心服治杭四年剛直不阿喜接布衣士民翕然頌之

卒官葬於孤山林處士墓側杭人歲設祭焉號曰林社久而勿輒啟之治杭得友高鳳岐爲之助後官廣西梧州知府亦有聲歿而杭人附祀於林社云

王仁福字竹林江蘇吳縣人少誠慤勇於任事祖宦河南歿後仁福扶柩歸葬道經徐州遇捻匪徒步率斷役出入烽火肩行四十里竟免尋入賊爲東河同知剪匪犯開封城壕沙淤如平地仁福奉檄督工濬治冠期歲事而賊至城守賴之同治五年署祥河廳同知黃河自北徙中原多故工帑大減頻年軍事亟發帑復不以時歲修不敷隄埽殘缺料無宿儲祥河汛地當衝險工迭出人皆視爲畏途仁福盡力修守不避艱危六年秋汛水驟漲掣埽去如削木梯仁福奔走風雨泥淖中搶護厯七晝夜款料俱竭隄岌岌將破居民蟻附隄上仁福對之流涕曰我爲河官濟汝等於死我之罪也當身先之躍立埽頭風浪捲埽走入大溜沈沒河聲如吼隄前水陡落風止浪定大溜改趨殘隄得保衆咸驚爲精誠所格令善泅者覓其尸不得乃以衣冠斂事聞詔依陣亡例賜卹附祀河神祠朱光第字杏齋浙江歸安人少孤貧幕游江南奉汪輝祖佐治藥言爲

圭臬咸豐末捻匪方熾佐蕭縣令籌防禦屢破賊都統伊興額上其功累晉秩
知州分發河南佐獻局治獄平光緒中補鄧州在任三年大校之後壹意休養
善治盜民戴之王樹汝者鄧人爲鎮平盜魁胡體安執鑿鎮平令捕體安急乃
賄役以樹汝僞冒致之獄既定讞臨刑呼冤重鞠則檄光第逮其父季福爲驗
開歸陳許道任愷先守南陽嘗讞是獄馳書阻母逮季福且誘怵之光第曰吾
安能惜此官以陷無辜竟以季福上則樹汝果其子巡撫李鵠年袒愷持初讞
益堅河南官科道者交章論其事命東河總督梅啟照覆訊樹汝猶不得直衆
論大譁刑部提鞫乃得實釋樹汝自鵠年啟照以次讞黜有差而光第已先爲
鵠年摭他事劾去官貧不能歸卒於河南後鄧州士民請祀名宦以子祖謀官
禮部侍郎格於例不行

冷鼎亨字鎮雄山東招遠人同治四年進士卽用知縣發江西署瑞昌地瘠而
健訟鄉愚輒因之破家捕訟師及猾吏數人繩以法因事詣鄉使胥役盡隨輿
後反則令居前而已殿之未嘗以杯勺累民調署德化慘防軍之陵民者境內

肅然修灝江堤塘費省工速德化瑞昌黃梅三邑民爭蘆州累歲相鬥殺鼎亨諭解之建臺於門所官吏督不私民皆悅服白鶴鄉人叔與姪爭田即樹下諭解遂悔悟如初旱蝗起徒步烈日中掩捕經月露宿禱神得雨蝗皆死歷署新昌彭澤皆有實政上官以爲賢調補新建附省首邑官斯者多听夕伺上官不遑治民事鼎亨先與上官約屏酬應親聽斷民歌頌之尋調鄱陽值大水發賑親勘給印票盡除侵蝕舊習次年復災跣足立沮洳中溼疾徧體十閱月常小舟行駭浪中屢瀕於危深夜返署理訟牘侍郎彭玉馨巡江過境寄書巡撫曰某所至三江五湖數千里未見堅剛耐苦如冷知縣者也歷官十年食無兼味妻子衣履皆自製以廉率下胥吏幾無以爲生俸入輒捐爲地方興利訓士以氣節爲先鄱陽俗好鬥鼎亨曰化民有本未教而殺之非義也以孝經證聖祖聖諭廣訓爲淺說婦孺聞之皆感動治教案必持平屢遇民教齷齪事桀黠者欲借以鼓衆毀教堂慮遺禍好官而止蓋有以感之光緒十年擢南昌府同知巡撫潘霨疏薦入覲遂乞歸卒於家

孫葆田字佩南山東榮成人同治十三年進士授刑部主事改知縣銓授安徽宿松勤政愛民日坐堂皇妻紡績室中蕭然如寒士調合肥大學士李鴻章弟子之僂人橫於鄉以逼債致人死葆田檢驗屍傷觀者數萬人恐縣令爲豪強迫脅驗不實葆田命仵作曰敢欺罔者論如律得致命狀人皆譖噪謂包龍圖復出獄遂定有御史劾葆田誤入人死罪詔巡撫陳彝按之卒直原讞葆田遂自免歸名聞天下逾數年安徽將清丈民田巡撫福潤疏調葆田主其事辭不赴貽書當事言清丈病民陳清賦之要熟地報荒者當寬其既往限年墾復平歲報災者當警其將來分年帶徵弊自可除無事紛擾時以爲名言葆田故從武昌張裕釗受古文法治經實事求是不薄宋儒歷主山東河南書院學者奉爲大師巡撫張曜疏陳其學行賜五品卿銜中外大臣迭薦之詔徵不出宣統元年卒年七十柯劭愍字敬儒山東膠州人光緒十五年進士即用知縣亦官安徽署貴池補太廟貴池自粵匪亂後地丁冊爲吏所匿託言已燬徵賦由吏包納十不及四五而浮收日甚民苦之劭愍知其弊令花戶自封投櫃吏百計

撓之不爲動民輸將恐後增收銀二萬餘兩民所節省數且倍巡撫鄧華熙初聽浮言將奏劾總督劉坤一曰柯令旣中循吏奈何登於彈章華熙悟遂疏薦送覲曾秩直隸州劭慤爲治清簡斷獄明決所至民愛戴亦績學善爲古今體詩時與葆田並稱儒吏

涂官俊字劭卿江西東鄉人光緒二年進士被取知縣發陝西署富平涇陽長安諸縣補宜君山邑地瘠民樸官此者多不事事官俊勸農桑興水利成稻田數百畝躬巡阡陌與民絮語如家人調涇陽歷官皆有聲凡兩任涇陽政績尤著初至值回亂後積糱訟千餘庶政以次規復期年而改觀龍洞渠故白渠也官俊倡言開濬衆議以工鉅爲難獨毅然爲之由梯子闢而下水量增三分之一復於清治河畔修復廢渠二水所不至者勸民鑿井以濟之先後增井五百有餘無旱憂涇民多逐末不重蓋藏義倉無實儲官俊謂積穀備荒莫善於年出年收躬詣各鄉勸諭捐穀嚴定收放之法民感其誠輸納恐後倉皆充實十九年旱荒全活凡數萬人編保甲捕盜賊地方靖謐官俊故績學立寶興堂置

性理經濟有用之書日與諸生講習增義塾定課程親考校之凡有利於民者爲之無不力二十年卒疾篤時猶強起治事捐俸千金以恤孤貧民爲祠歲時祀之陳文誠湖南長沙人以諸生入貲爲通判同治間從軍積功晉同知留陝西光緒七年署鄂縣知縣以教化爲先政平訟理九年授留壩廳同知廳獄舊有叢焚經費歲徵之民文誠革之境內無質庫貧民稱貸盤剝者要重息文誠設裕民公所貸民錢息以十一取其贏以備公用民便之廳境山多於田無物產以資生乃周厯山谷辨其土宜作種稼說及山蠶四要徧諭鄉民頒給樹秧鑑種募工導之絲成製機教織設局收買重其值以招之又購紫陽茶種課之樹藝於是地無棄利俗素樸陋歲科試附鳳縣額每試或不得一人建書院義塾置書籍延高才者爲之師數年之後橫舍彬彬遂請奏設廳學建官置額谿河多壅閼橫溢爲患陳開河策未果行值水猝發已逾報災例限便宜開倉賑之跋涉沮洳勞疾不輟煮粥賑近郊多所全活久之流民至集復申開河議以工代賑不得請則因其衆治道路濬溝渠出私錢給值負累至數千縉民感其

德廳介萬山中林谷深阻奸民狃伏行劫或掠婦孺賣境外文敝密圖其處示
捕役時復徵服迹之多就禽治實行保甲於民戶職業田產丁口年歲婚嫁載
冊不厭煩瑣及賑飢稽之冊如家至戶覲訴訟亦莫敢欺事益簡焉民有殺子
婦匿其屍者母家以無左驗不得直文敲偶行山徑羣狗噪於前索而得之一
訊具服人以爲神十八年調署潼關廳未任卒李素字少白雲南保山人同治
六年舉人光緒初授陝西商州直隸州知州值州境歉收飢民衆掠時山西大
祲商州爲轉運要衝素招民運賑糧使飢者得食集資數萬緡購籽糧散給設
粥廠十餘所災後倉儲一空捐穀萬石六年大水加意撫卹災不爲害州城濱
丹河遇盛漲則負郭田廬漂沒城中亦半爲澤國素創築石隄二百餘丈城門
月隄十餘丈遂無水患開州東隸花河山路三十餘里州西麻壩嶺山路二十
餘里行旅便之擴充商山書院延碩儒課士設義塾三十餘區紂誦聞於比戶
陋規病民者悉除之每歲寒冬出私錢給孤寡繕捕籌經常之費綠營餉薄歲
資助之凡賑飢積穀築堤修城興學莫不以鉅資倡一署同州知府先後在官

十八年兩舉卓異以病免歸卒士民感之多私祠祀焉

張楷字仲模湖北蕲水人同治十年進士選庶吉士授編修累遷至侍講光緒初疏論伊犁事又請撤銷總兵周全有郵典爲時所稱八年出爲浙江金華知府永康山中七堡八堡地險僻盜藪也楷設方略捕誅匪首蔣元地移縣丞駐山麓獵俗一變父憂去服闋補山西汾州汾陽平遙兩縣瀕河鄉民冬令攔河築堰引水灌田水不得暢流夏秋漲溢各築護隄以鄰爲壑輒械鬥蔓訟楷禁築攔河堰濬引渠以洩水患紓而訟息以南方畝水法導民使開稻田植桑課蠶有山曰黑烟與交山葫蘆峪相連匪徒窟穴其間偵其姓名掩捕盡獲之治汾州七年考績爲山西最調太原未任母憂去服闋補河南府鞏洛之間素多盜捕治巨魁椎理歛迹治獄多平反調開封二十五年畿輔拳匪亂起大河南北羣情洶洶大吏持重不敢決楷力陳邪教不可信外奸不可開揭示義和團既號義民謂能避槍礮令詣城外空營候試以槍擊果不入編伍充兵奸民不得逞聯軍入都潰兵南下楷創議守河自氾水迄蘭儀嚴稽渡口凡持械之士

悉阻之不令入城屬境安堵論者謂徵楷之堅定中原禍未艾也事定開缺以道員候補三十年卒

王仁堪字可莊福建閩縣人尙書慶雲之孫光緒三年一甲一名進士授修撰督山西學政厯典貴州江南廣東鄉試入直上書房時俄羅斯索伊犁使臣崇厚擅定條約仁堪與修撰曹鴻勛等合疏劾之太和門災復興羅斯索伊犁使臣崇極論時政其請罷頤和園工程謂工費指明不動正欵夫出之筦庫何非小民膏血計臣可執未動正款之說以告朝廷朝廷何能執未動正款之說以謝天下言尤切直十七年出爲江蘇鎮江知府市下車丹陽教案起由於教堂發見孩戶仁堪親驗孩戶七十餘具陳於總督劉坤一曰名爲天主教堂不應有死孩骨即兼育嬰局不應無活嬰兒傳教約本無准外國人育嬰之條教士於境外兼辦育嬰不遵奏行章程使地方官得司稽察禍由自召請曲貸愚民之罪責保護教堂仁堪請奏定專律謂條約無若何懲辦明文每出一事任意要挾

宜明定焚毀教堂作何賠償殺傷教士作何論抵以及口角門殿等事有定律
可遵人心既平訛言自息英人梅生爲匪首李鴻購軍火事覺領事坐梅生罪
僅監禁仁堪上書總理各國事務衙門論之又洋人忻愛珩偏謁守令募捐義
學無游歷護照仁堪請關道送領事查辦復議無照私入內地應按中國律法
科罪雖皆未果行時論題之郡地多岡壠旱易成災仁堪以設渠塘爲急務不
欲擾民捐廉爲倡馳書乞諸親舊商富咸而輪助得錢三萬緡開塘二千三百
有奇溝渠閘堰以百計十八年秋丹陽大校恩賑之外勸紳商捐資全活甚衆
又假官錢於民使勿賣牛名曰牛賑濬太平港沙腰河練湖越瀆蕭河香草簡
瀆之屬凡二十餘所支溝別渠二百三十有奇又鑿塘四千六百以蓄高原之
水皆以工代賑東西百餘里間水利畢舉次年春賑畢餘四萬金生息備積穀
牛賑餘錢仿社倉法創社錢按區分儲爲修溝洫廣義塾之用郡西鄉僻陋不
知學立樸思文社以教之出私錢於府治前建南濡學舍在任兩年於教養諸
端盡力爲之調蘇州已積勞致疾日坐諫局清積案風采動一時甫三四月猝

病卒時論惜之鎮江士民列政績籲請大吏上聞謂其視民事如家事一以扶植善類培養元氣爲任卓然有古循吏風詔允宣付史館立傳以表循良自光緒初定制官吏歿後三十年始得請祀名宦於是疆臣率徇衆意輒請宣付立傳表章曠典日致猥濫仁堪爲不愧云